

1972 - X - 27

Donostian, Gipuzkoako Diputazioan, 1972ko urriaren 27an, arratsaldeko lauretan. Bildu dira: Villasante buru, Haritschelhar buruordezko, Irigoyen, Lafitte eta Satrustegi jaun euskaltzainak; Altuna, Berrojalbiz, J. F. Setién, S. Garmendia, Goenaga, J. Goikoetxea, Intxausti, Kintana, Lizundia eta Zatarain jaun laguntzaileak, San Martin idazkari dala.

Arrue, Dassance, Diharce, Eppherre, Erkiaga, Larzabal eta Zabala jaunak ezin etorria adierazi dute.

Ohi den otoitzarekin hasi da batzarra.

Iraileko agiria onhartzean, Satrustegi jaunak aditzera ematen du, Banco de la Vasconia-k argitaratuko duen *Euskal izendegia* 50.000 alekoa izango dela eta ez 10.000koa, agirian jarria den bezala.

a) *HAR-EMANAK*:

A. Zabala euskaltzain jaunaren gutuna irakurri da. Bertsolari txapelketetatik gelditurik dugun dirutik Uztaideri laguntzazko eskainia egitea eskatzen du. 5.000 pezetako laguntza ematea erabaki da.

Zatarain jaunak, Bertsolarien kontu horretan firmaduna den alde-
tik, kontu hori Euskaltzaindiaren izenean jartzea eskatzen du. Diru hori,
norbait faltako balitz ere, galdu ez dadin. Eta firmak batzordeko diren
Arrue, Zabala eta J. M. Lekuona jaunen izenean jartzea erabakitzen da.

Irigoyen jaunak, Ortuzar ("Iturri") bertsolaria nola elbarriturik den,
aditzera ematen du, holako laguntza bat ematea merezi duela. Ontzat
hartzen da, eta beste 5.000 pezeta ematea erabakitzen da. Bertsolari diru-
kutxan 10.000 pesetara arte ez balitz, Uztape eta Iturri-ren artean er-
dibana egitea erabakitzen da.

Bilbon, "Iturri"ren omenez bertso-saio bat egitea komeni dala eta
honetarako bertsolariekin hitz egitea erabakitzen da. Gero, Bizkaiko go-
bernadoreari baimena eskatzeko.

HARTU DIREN LIBURUAK: "Etor" argitaldaria eman, Kaxildo Alkortaren *Giza zirriborroa*; "Jakín"ek, Rikardo Arregi zenaren *Herriaren lekuko*; Irakasle taldeak, *Euskalduntzen*; J. San Martinek, Pedro Arnal Caveroren *Vocabulario del Alto-aragones*; J. M. Satrustegik, lan-separatak, *Romance vasco de la doncella guerrera* "Fontes" eta *El mercado de las sanguijuelas en el País Vasco* "Cuadernos de Etnología y etnografía". Guzuei eskerrak ematea erabakitzen da.

b) 1792ko "TXOMIN AGIRRE" NOBELA SARIAREN ERABAKIA:

Idazkariak irakurri du epai-mahaiaren agiria. "Baturantz" izenordezko *Haurgintza minetan* izeneko lanari lehen saria ematea erabaki dute. Epai-mahaiko, E. Erkiaga, P. Lafitte eta X. Lete. Ondorean, idazkariak, ireki du "Baturantz" izenez etorren estalkia eta Mikel Zarate da egile izena.

d) *HURRENGO "EUSKERA"*:

EUSKERA, aldizkariaren batzordeak, 1972ko bigarren zenbakirako lanak hautatzea egin du. Lan nagusietan, Lafitte jaunak gertatutako Guillaume-ren gatunak eta G. López de Guereñu-ren *Más voces alavesas*. Gai laburrak, agiriak, berri laburrak, hartu diren liburuak, liburuen oharrak eta abar.

e) *IRAKASLE ESAMINAK*:

Irakasletarako esaminen berri eman da. Esaminotara presentatuak, Bilbon 44 eta Donostian 54.

Bilbon presentatu ziren 44tik 24ri irakasle titulua ematea erabaki zuten epai-mahaiko ziren A. Irigoyen, A. P. Altuna, X. Garmendia eta X. Kintana jaunak. Onhartuen izenak: José Ramón Etxebarria, Isabel Lertxundi, Kepa Maillea, Josu Torre, José M^a Erzirengoa, Patxi Goenaga, Andolin Eguzkitza, Jacinto Iturbe, Manuel Arzallus, Joxe Andoni Arrizabalaga, Jose Martin Esnal, Mikel Aingueru Aranburu, Joxe M^a Agirresarobe, Benjamin Atutxa, Xabier Bilbao, Jose M^a Elorza, Jesús Félix Torcal, Luis Jauregi, Franzizko M^a Lizardi, Jon Orbezua, Aitor Ortiz de Pinedo, Kepa Martinez de Lagos, Erramon Gerrikagoitia, Begoña Iturritza. Hauei, euskara irakasle diploma eta karneta emango zaie.

Ondorean, Alfabetatze kanpainetako irakasleei buruz jardun da, lehengo karnetaren testoa aldatu beharra tratatu da. Eta, Alfabetatze honetan monitor tituluak berritzea, eta hauen esaminak ere antolatu beharra.

f) *IRIGOYEN JAUNAREN TXOSTENA*:

Euskeraren estruktura morfologiku eta sintaktikuak. Nominal sistema zelan behar duen, mugatzailea nondik nora agertzen den eta abar.

g) *BAKOITZAK DAKARRENETIK*:

Euskaltzainburuak, kargu berritzeen muga heldu dala eta azaroaren 24an, goizeko hamaiketan, Gipuzkoako ordezkartzaren bulegoan euskaltzainen bilkura berezia egitea eskatzen du. Bilkura honen gai bakarra kargu berritzea izango da. Hala erabaki da.

Lizundia jaunak aditzera ematen du, Gerediaga elkarteak VII. Liburu esta diskoen azoka antolatzen duela azaroaren 1,5 eta 6 egunetan eta Euskaltzaindia eta Euskaltzaindikoak gomitatzen ditu.

Beste gabe, ohi den otoitzarekin bukatu da batzarra.

Euskaltzainburua
LUIS VILLASANTE

Idazkaria
JUAN SAN MARTIN